

## Elia Lombardo (n.1985)

### Operator video – Montaire

Laureat en Letras Modèrnas a l'Universitat de Turin abo una tèsi sus l'òbra de Thomas Pynchon, m'apròcho al mond dal cínema ental 2008 abo un Master universitari d'escritura e editing de produchs audiovisius al Virtual Reality & Multi Media Park de Turin. En aquilhi ans començo una seria de collaboracions abo qualques produccions televisivas per Mediaset, per puei trabalhar abo lo regista Fredo Valla dins lo quadre des produccions DueA de Pupi Avati.

Ental 2012 aprofondisso ma formacion tècnica en frequentant l'escòla APM de Salúces e en obtenent lo diplòma de tècnic audio-video. Començo parelh mon activitat de filmmaker en collaborant abo de testadas jornalísticas e de produccions documentarísticas. Partécipo a l'edicion 2015 de l'Escòla de Cínema d'Ostana en qualitat de tutor, per puei trabalhar lo mai dins lo sector publicitari.

M'avesino al mond dal documentari d'autor en collaborant abo lo regista Fredo Valla ai documentaris “La Barma” e “*Più in alto delle nuvole*”.

